

## Ukorhosi Utsutson ri itsi ubvur Ukorhosi

Uburhu uner itser Uyesu unga atsenge ubvur uwurɛ ra abika adɔsa aka awe ru Ukorhosi. Ubvur Ukorhosi nu uwu Uafisa nu uwu Ufirhibi nu uwu Ufirhimon ani iyisa ake abvurkɛ aka adzeku ugbor uzĩ. Uburhu atseng abvur akɛɛ ru uteu Uroma ri ivangyɛ unga aka awe ru ibibow iyi imɛka ivaa (Aiy 28.16-31). Ugɛɛ atseng ubvur uwurɛ ra amɛk aki 60 udzur ru unumkpi umbɔ aka amar Uyesu.

Uburhu atseng ubvur uwurɛ ru umgbɔ uwe utsĩndĩ uwuku ugbisha ri itsi imesa igbɛrangwĩ ru Ukorhosi. Imesi igbɛrangwĩ hã igɔr igɛ ikpo ififɔrh iwe ri idɔsu agbeyi anera aki akorhe, utoma nggu idzowe igɔng ri ípfu itser-Num. Nu ikɛi awu ufang unera adɔsu agbeyi ighigha nu ihwihwa nu isorhu usorhe nu akɔɔ.

Ubvur ha uɔɛyiwe ugɛ ani ikpo ififɔrh ru ubok Uyesu. Ikɛi ugɔr ugɛ Uyesu unga awu undzumu uzirhzĩ Unum. Anyãmbɔ iwiwe Unum ru Uyesu. Ikɛi Uyesu awu uner uwuku umuna abina kishoo, unga awea, ra abina kishoo adɔrha awe. Awu ri itsinga ubɛn ubina uku uwe. Ubvur ha adɛyiwe ugɛ Uyesu unga awu itsi abika adɔsa, unga awu unggbaashi aka asok ra akpe, ikɛi unga awu uner uwuku ugbishuwa isiseimɛn nggu Unum.

### **Abinkɛ aka awe umɔ**

Utsutson (1.1-14)

Uyesu Ukiristo nu itsernga (1.15-23)

Itser Uburhu ra abika adɔsa (1.24–2.7)

**Ibibek ru ubok Ukiristo (2.8–4.6)**  
**Ighwe iyi imaatak (4.7-18)**

<sup>1</sup> Awu umum Uburhu. Unum unga atsũ umum iwe uner itser Ukiristo Uyesu. Ungwēmēn Utimoti awu urhōnga nggu umum.

<sup>2</sup> Umēn itsēnge ubvur uwurε ra asarkasar anera aka awe ru imangmang ru Ukiristo aka aseī ru uteu Ukorhosi.

Unum Utēmēn ama adzaa umbi imimuta nu ididōr.

*Itar uwεε nu ifēn-Num*

<sup>3</sup> Ubēn ivang umēn ifēna Unum ru umbi, umēn iki isaki itar uwεε indzowe Unum Utε uwu Uteijeemēn Uyesu Ukiristo.

<sup>4</sup> Umēn ikorhe rimi ubinkutsu umēn igũmēn imangmangmbi ru Ukiristo Uyesu. Ikēi umēn igũmēn ibibemambi aka awerangge ra abika adōsa.

<sup>5</sup> Imangmang nu ibibema hā idzeki ifosambi ra abin aka aze umbō aka angwēwa umbi ra afā. Umbi aka agũmbi ake rī isarhe iyi idzidzerhe ngge iki iwe Isarhe Iyiki Ize

<sup>6</sup> iki ibangge ru umbi. Ru upfunga kishoo Isarhe Iyiki Ize ha ighwerngge ikpūrhā nī isengge. Ngge iki isaki ikorhe rimi hā ru umbi udzur ru unumkpi umbi aka agũ ngge na ahweng idzidzerha iyi imimutu Unum.

<sup>7</sup> Umbi amesa ngge ru Uabafara, uze uwerhi itsermēn. Unga awu uner itser idzidzerhe uwu Ukiristo, uwuruwi umēn iki idene unga aba ru umbi.

<sup>8</sup> Unga adēyiwa umēn ibibemayε Ipfu-Num iki idzaa umbi.

<sup>9</sup> Ri itsi akere ha, umen inasi inekukumen ifena Unum ru umbi udzur ru unumkpi umen iki igũ isarhe ri itsimbi. Umen ini ishõrhũ Unum unga ama adzaa umbi ihwihweng nu itsoi iyiriyẽ iki idze ri Ipfunga.

<sup>10</sup> Umen ifena umbi Unum, ngge itsú umbi ama ase i sei iyi ibibek iki idzowe igong ru Utejee na atsu unga agũiben ru uben udĩ, ngge itsú umbi awuri idẽẽ akorhumbi ikpũ iyiki ize kishoo nu umbi ikẽi atomi ihweng Unum akarhãrhã.

<sup>11</sup> Unum akũ nggaa ijeenga atsu umbi awe akeker, ngge itsú umbi akpo nggaa ibibima nu anggõm,

<sup>12</sup> ni itsu umbi agõm anggõm atar uwẽẽ ru Ute, uwu ha aka atsu umbi adẽẽ amẽẽ igasha ru ukam ukpu abika adõsa ri iyerhe iyi irhirhang.

<sup>13</sup> Unga ashõte umen idzek ri iyerhe iyi uzĩ, na akũ umen atsĩ ri Iyerhe iyi Ungwẽ hã unga aka abema.

<sup>14</sup> Ru ungwẽ hã umen iki ikpo ififõrh nu itsũwe arhim.

### *Ukiristo ananga uben ubin*

<sup>15</sup> Umen itsikammen isi idẽẽ inyãmen Unum, bõr Ukiristo ayika umen ihweng iwiwe Unum, ubinkutsu unga awe ru nyaku Unum. Unga awu unanyĩ ungwẽ Unum, nu unga awe ru nggaa ijee ri kishoo abinkẽ aka amuna.

<sup>16</sup> Ukiristo amuna kishoo abinkẽ aka awe ra afã nu abĩ. Unga amuna abinkẽ umbõ aki inyã nu akirakẽ umbõ aka asi inyãmbõ, utoma nu kishoo ipfu iyi ijee, nu kishoo iyerhe nu uben ubin uku uwe ri ijee. Abina kishoo unga amuna na awe akinga.

17 Unga awea nu abina adərha amuna, nu unga atsu abina kishoo agha inggbaashi.

18 Unga awu itsi iyor ha, iyiriye iki idarh iyor ha, ngge iki iwe abika adəsa. Unga awu unggbaashi uben ubin nu unggbaashi uner uwuku usok ra akpe, ngge itsú unga ananga uben ubin.

19 Unum awe ra anggəm age Ukiristo awe ru nyaka unga ru uben udia.

20 Unum aseng unga akū uben ubinkpi unga aka amuna atsī ri igbigbisha iyiki ize nggu itsikamnga. Akere atoma nggu uben ubin nu abī nu afā. Ukiristo akorha akere ha ri ikpe nu igārhamau ucucii, ngge ikū ididəər iba ra ateu uben ubin nu Unum.

21 Umbi aka asaka awe ru igigau nggu Unum. Umbi awe abika akpē Unum ra amənmbi ru nyaka umbi aka ideyiwe ri itser iyiki ibewambi.

22 Bər icere ru ubok akpe Ukiristo ri iyor, Unum aka abvui agbisha umbi. Unum akorhe rimi ngge itsú ivangye unga aka irhi umbi, unga awuri inyā umbi ru nyaku undzumu abika asar nu isheru uvau. Umbi ashimbi ru uvau, ikēi unera ashia ru ubinkpi unga aka ikū arhena umbi ri ikorhe uben ubin uku ubewe.

23 Akere kishoo awuri ikorhuke umbi aba adēē akermbi ri imangmangmbi ru Ukiristo na asi in- eke uben unera akəna umbi ifosu ubinkpi uku uwe ukpumbi Isarhe Iyiki Ize iki irherhe. Umbi aka agūmbi Isarhe Iyiki Ize iyeere nu umbə aka adūwūkumbə ngge ru uben unera aka awe ra abī. Umum Uburhu, iki iwu uner itserngge.

*Itser Uburhu ra abika adəsa*

<sup>24</sup> Umum iwe ra anggəm ubinkutsu umum ihweng ugε ayetnummum aka ayikake umbi. Nu umum ibeemum ihwa kishoo ayetnumkε Ukiristo aka abee umum ihwa, ngge itsú umum iyike iy-ornga, iyiriyε iki iwe abika adɔsa.

<sup>25</sup> Unum adena umum iwu ugārḥā abika adɔsa ri idɛyiwe kishoo ubinkpi urḥemnga uku uni irherhe.

<sup>26</sup> Isarhe iyεε iwe ri iwək ri kishoo anera aka aseɪ rimǝǝ, bər icεε iki idzekangge ukupeng ra aner Unum.

<sup>27</sup> Unum aseng idɛyiwe anernga agε unga awea ru nggaa ibibeanga ra atsen abi Uyahuda. Ibibeanga iwu ugε Ukiristo awe ru umbi, nu umbi awe ru ifosa iyiki igasha ri ikpikpoi iyi Unum.

<sup>28</sup> Umən idɛyiwe anera ri itsi Ukiristo, ni ifituwe ni imesuwe ubən unera nggu kishoo itsoiyε umən iki idɛɛ ikorhe. Umən ikorha akεε ngge itsú ubən unera aka awe ru imangmang ru Ukiristo unga arhika ra asu Unum.

<sup>29</sup> Ubin ḥā nukpɔ uku utsu umum itǝ itser akarḥārḥā ikū nggaa ikeryε Ukiristo aka adzaa umum.

## 2

<sup>1</sup> Umum ibee umbi ahweng ititɛwāmum akarḥārḥā ru umbi nu abirabε aka awe ru Urhawudikiya, nu kishoo abirabε aka anasi igbopumbo nggu umum.

<sup>2</sup> Umum itǝ itser akarḥārḥā ngge itsú umbi ama akpo ififita ra amɛnmɪ na agbopi itsi ri ibema adɔka. Umum itǝ itser akarḥārḥā ngge itsú umbi ama awe nggu undzumu idorh iyiki ihweng undzumu isarhe Unum. Umum itǝ itser akarḥārḥā

ngge itsú umbi ama ahwɛng iwiwɔk Unum ngge iki inasi idzekangge ru anera rimɔɔ. Iwiwɔk ha iwu Ukiristo.

<sup>3</sup> Ru unga awɔke kishoo iwu ru ubin iyi itsoi nu ihwihwɛng.

<sup>4</sup> Umum idɛyiwa umbi akɛɛ ngge itsú unera asi irhɛma umbi nggu irhɛm iyiki irhika bɔr ishingge.

<sup>5</sup> Umum isi iwemum umɔ nggu umbi ri iyor, bɔr ubɛn ivang umum ini ikaiferhkɔ ri itsimbi. Umum iwe ra anggɔm ugɛ umbi agbopi itsi nu imangmangmbi ru Ukiristo idɛɛ iker.

### *Ifɛɛn ru ubok idɔsu Ukiristo*

<sup>6</sup> Nggee, ru nyaka umbi aka ayɛi Ukiristo Uyesu awu Uteijeembi, aka adɛɛ awe abika adɔsa unga.

<sup>7</sup> Aka adɛɛ aker na aseng ri iwerhambi nggu Ukiristo. Aka adɛɛ aker amɛn ugɛ abin umarhemmbi aka amesuwa umbi ri itsi Ukiristo awe idzidzɛrhe. Aka atar uwɛɛ ubɛn ivang.

<sup>8</sup> Àka angwɛdzɛn utsur unera adzura umbi igãrhã nggu iferhkɔnga iyiki itãrhã iki iwe nggu igberangwĩ. Ikpũ iferhkɔ ha iyurhi ra agbeyi anera nu ikpem ri itsi abin aki upfung ukpirɛ na asi iweke ru Ukiristo.

<sup>9</sup> Ubinkutsu ivang Ukiristo aka adzipa awe unera, unga ana awu undzumu Unum.

<sup>10</sup> Umbi awu undzumunga ri idɔsu Ukiristo, uwuku uwe itsi ru ubɛn ijee nu iyɛrhe.

<sup>11</sup> Ri idɔsu Ukiristo, iwe ru nyaka umbi aka asorhu usorhe, nu amɛn aki arhimmbi aka adzeke. Akɛɛ asi iweke usorhe anera aki ikũ abokmbɔ akorhe, bɔr awu ikpũ usorhe Ukiristo aki ikorhe.

<sup>12</sup> Aka adzakukumbɔ umbi nggu Ukiristo ri isorhu ubɔtisima, ikɛi umbi aka asombi nggu unga ru ubok imangmangmbi ri ijee Unum, uwuruwi aka asoyiwe Ukiristo ra akpe.

<sup>13</sup> Umbi aka agaumbi nggu Unum ri itsi arhimmbi, nu ikpona ibee ikorha amɛn arhim idarh ibibɛkmbi, bɔr Unum atsu umbi adzipa abɛk nggu Ukiristo. Unum atsūwe arhimɛn kishoo.

<sup>14</sup> Unga afɔrhūwe arherhe igbigbayɛ umɛn iki ikorhe, akirakɛ aka adɛɛ irhena umɛn ni itsuka umɛn ufai. Arherhe igbigba ha adɛɛ igamtsak nggu umɛn, bɔr Unum anyanguwe ake ri inyapuwe ake nu igārḥāmau ucucii.

<sup>15</sup> Unga abvure ijee iyi ayɛrhe nu abi ijee na adzowe umbɔ atsak ra awiya ri ikpe nu igārḥāmau ucucii na adzuma ananga umbɔ.

<sup>16</sup> Ngge aka niba aneke unera atsuka uvau nu umbi ru ubinkpi umbi aka igħa use ubinkpi umbi aka ihwa, use ri inum agbeyambi, use irhowa ufɛ uku ufa, use unum ukpuku uwosha.

<sup>17</sup> Akɛɛ awu azirhzĩ abinke aka iba, bɔr undzumu idzidzɛrhe akpo ngge ru Ukiristo.

<sup>18</sup> Àka niba anakukumbi ubɛn unera uwuku ugūibɛn irḥɛrhi itsi iyi igbɛrangwĩ na adzowe igɔng ípfu itser-Num atsu umbi asi ikpombi ugɛtambi. Ikpū uner ha anu irherha arherhe akarḥārḥā ru ubinkpi unga aka anyā. Ihwihwɛnga idzek ra amɛnnga, ni itsu unga aberi itsinga, bɔr idzidzɛrhe unga ashia ru ubinkpi uku itsu unga aberi itsinga.

<sup>19</sup> Unga aka nekuka ikpɔm Ukiristo, uwuku uwe itsimɛn. Kishoo abika adɔsu Ukiristo awe ri nyaki

iyor iki igbopa urhonga nggu icim. Iyor ha iseng ru Ukiristo uwu ha aka awu itsia ru udikpi Unum aka abee.

<sup>20</sup> Ukiristo akpe na afone itsikamnga ri ikpem upfung ukpirɛ. Ri idɔsa unga, umbi aka akpembɪ ri ikpem hã ikɛi. Ngge awu use utsu umbi akorhe ugɛɛ umbi ana awu abi upfung ukpirɛ ri idɔsi ikpemkpɔ?

<sup>21</sup> <<Àka niba akũ ubok anyangumbi! Niba akũ arhem abangumbi! Niba akũ ubok abangumbi!>>

<sup>22</sup> Ikpũ ikpem iyɛɛ ha iwu abinkɛ aka asi idãrhũke. Umɛn ĩba itɔ itser nggu ake imaamɛn umɛn iwuri itare ake, ubinkutsu ake awe ikpem nu imesaye anera aka amuna ukpekũ.

<sup>23</sup> Ikpem hã iwe ru nyaka abirabɛ umbɔ aki inyã umbɔ ugɛɛ umbɔ adzeku ifɛrhkɔ iyi itsoi. Ngge iki isaki imesuwe anera umbɔ akorha atsar akagong aki idɛyiwe ugɛ umbɔ abemu Unum ri irhɛrhi itsi igberangwĩ na atsu iyormbɔ ihwa uver, bɔr ikpem hã isi idɛɛ ikɛnngge ikponi iyor ri itsu ngge igũiben.

### 3

#### *Íkpem ru usarkasar ibibek*

<sup>1</sup> Aka asoyiwa umbi nggu Ukiristo, nggee àka atsu amɛnmɪ ra abinkɛ aka awe ra afã, ra anangke Ukiristo aka aseɪ ra anang iseinga ru ubok ugha Unum.

<sup>2</sup> Àka atsu amɛnmɪ akaifɛrhkɔ ra abinkɛ aka awe ra afã, niba aweke ra abin aki upfung.

<sup>3</sup> Ubinkutsu ibibekmɪ iyiki igbe iki ikpengge, nu urhɛmɪ uwuku ufa icɛɛ uwe nggu Ukiristo.



Unum anasi idzuma akũ Ukiristo adzekanga use urhε uwuku ufambi.

<sup>4</sup> Bør ivang Ukiristo aka idzeka, umbi awuri idzeka nggu unga ru nggaa imornga.

<sup>5</sup> Nggee àka aneke ikorhe uben abinke ayormbi aka ibee ngge itsu ngge igũiben, ru nyaki irha nggu unera use ibee irha nggu unera aka asi iwea utsakngo use utsēngo, use ibee ikorhe iyiki ibewe, use ikpona. Ikpona iwu ikpũ idzowe igong ru ugberhe.

<sup>6</sup> Ri itsi akεε ha, avom itsu ufai Unum aka iba.

<sup>7</sup> Umbi akorhumbi abin rimi hã na adørha atirhi idosu Ukiristo.

<sup>8</sup> Bør icεε awu ufang umbi aneke ikorhe kishoo abin akεε, uben ikpũ avom, nu ikpikpēē, nu inyar, nu irherha arherhe aka atār hã.

<sup>9</sup> Àka aneke igberangwĩ atsuke adoka, ubinkutsu umbi aka atsimukumbi amēn aka agbembu nggu ikorha arhim,

<sup>10</sup> na atsim amēn aka afa. Amēn hã ake anu idzipa awe ru usaka uwuku umuna ake ru nyaka umbi aka anu iseng ri ihweng unga.

<sup>11</sup> Ru urhε uwuku ufa ha ri idosu Ukiristo, umēn isi inyã anera awuwembu ubinkutsu, umbu awe abi Uyahuda use atsen abi Uyahuda, use uner usorhe use uner ida usorhe, use uner arhum use utsen uwuku usheru Unum, use ugār hã use uwuku ufōn. Ubin uku unang ugarh kishoo awu Ukiristo, nu unga ase ru kishoo abika adosa unga.

<sup>12</sup> Umbi awu aner abirabε Unum aka aseng. Unga abema umbi na atsu umbi awe asasar. Nggee, àka awe ra atorh, nu inna, irherhi itsi, ididōr, nu idongamēn.

13 Àka adɔngamɛn nggu adɔka. Àka atsũwe adɔka ra abinkɛ umbi aka akaiferhkɔ umbɔ aka asi ikorhumbɔ ru utsĩndĩ uwuku uze. Àka adzuma atsũwe adɔka ru nyaku Uteijee aka atsũwe umbi.

14 Ubinkpi uku uwe ru ugarh unang akɛɛ ha kishoo, aka abema adɔka. Ri ikorhe rimi hã umbi awuri iwembi ru undzumu igbopi itsi urhɔnga.

15 Àka aneke ididɔryɛ Ukiristo aka adzaa umbi idarh kishoo iferhkɔmbi nu ikikorhambi. Àka akorha akɛɛ ubinkutsu Unum aka asɛng umbi ase iurhɔnga uku utɔ ru nyaki iyora unying. Na atar uwɛɛ.

16 Àka akaiferhkɔ ri itsi isarhe Ukiristo. Àka akaiferhkɔ ra ake na amesuwe adɔka na amutuwe adɔka nggu itsoi. Àka arherha arherhe nggu adɔka ra ambom aki ubvur Unum nu ambom abika adɔsa aka amuna nu ambom Ipfu Isarsatangge aka atsu ru umbi. Àka atsũ ambom na abar abin na atar uwɛɛ ru Uteijee ra amɛnmbi.

17 Ru ubɛn ubin umbi aka irherhe na akorhe, aka akorha ake kishoo ri itsok Uteijee Uyesu, ri itar uwɛɛ ru Unum Utɛ ru ubok unga.

### *Isisei iyiki ize ra aya abika adɔsa*

18 Umbi akatserh, aka akorhu ubinkpi atsakmbi aka agɔr umbi ikikorhe, ubinkutsu ubin hã nukpɔ uku umɛɛ abika adɔsu Uteijee akorhe.

19 Umbi akatsak, aka abema atsɛmbi na akpɔm umbɔ uku utɔ.

20 Umbi awɛkaci, aka akorhe kishoo abinkɛ atɛimbi aka atsu umbi ikikorhe, ubinkutsu ubin hã nukpɔ Uteijee aka abee.

<sup>21</sup> Umbi atei, aka niba acayimbi angwẽmbi akarhãrhã utsur umbɔ atsũwũkumbɔ amɛnmɔ ru umbi.

<sup>22</sup> Umbi agãrhã, àka akorhe kishoo abinke ateyambi aka atsu umbi ikikorhe. Àka niba akorhumbi ri ivang umbɔ aka anu irhi umbi ukpekũ na abee itsu umbɔ abema umbi. Bɔr àka akorha ake nggu amɛn unying nggu iwei na adɛyiwe imor ru Uteijee.

<sup>23</sup> Ra abina kishoo umbi aki ikorhe, àka akorha ake nggu amɛnmɔ kishoo. Àka atõ itser ugɛɛ umbi atõwe Uteijee, isi iwengge iyi anera ukpekũ.

<sup>24</sup> Ubinkutsu umbi ahwɛngmbi agɛ umbi awuri iyɛimbi ukam ru Uteijee ri itsermbi. Awu itser Uteijee Ukiristo umbi aka anu itõ.

<sup>25</sup> Ubɛn unera aki ikorhe iyiki ibewe, umbɔ awuri ifai unga ri itsi iyiki ibewanga. Unum asi ìnyãngu uwɔɔ ananga uwɔɔ.

## 4

<sup>1</sup> Abika awe ra agãrhã, aka adzowe ugbeɛtambɔ uku kpengkpeng ubinkpi umbɔ aka atõ, ubinkutsu umbi ahwɛngmbi agɛ umbi awembi ru Uteiya ra afã.

### *Arherha akɔɔ*

<sup>2</sup> Aka adzowe atsimbi ri ifɛn-Num. Aka angwẽ amɛnmɔ ru ubinkpi umbi aki irherhe na awe abika atar uwɛɛ ru Unum.

<sup>3</sup> Aka afɛna-Num ru umɛn. Aka ashõrhũ Unum ama atsuruwa utsĩndĩã ri isarhamɛn, ngge itsú umɛn idẽẽ indzowe isarhe Ukiristo ukupẽẽ ra anera. Isarhe ha iwe ri iwɔk rimãõ. Awe ri itsi isarhe

iyere umum iki idũwũ itsu umum iwe ri ínỹawã ru ugbor uzĩ icere.

<sup>4</sup> Aka afeN-Num age unga ama ayika umum idũwã ngge ukupẽẽ ru udĩkpi umum iki imẽẽ iko-rhe.

<sup>5</sup> Aka atõ itser nggu itsoi ri ivangye umbi aka ikorhe uben ubin nggu anera aka asi idasumbõ Uyesu. Aka akorhe uben ubinkpi umbi aka idẽẽ akorhe uben ivangye umbi aka iwe nggu umbõ.

<sup>6</sup> Aka atsu arherhambi nggu umbõ awe nggu ibibema uben ivang. Aka atsu ake awu ubinkpi umbõ aka igũiben, nu ubinkpi uku ibemuwe irhirhusambõ.

### *Imimasha ighwe*

<sup>7</sup> Utikiku awuri ideyiwanaga umbi isarhe kishoo ri itsimum. Unga awu ugãrhã idzidzerhe nggu umen ru Uteijee nu umum ibemum unga.

<sup>8</sup> Umum idene unga aba ru umbi, ngge itsú umbi ama ahweng ubinkpi uku ukorhe nggu umen, nu unga ama afituwa umbi.

<sup>9</sup> Unga anu iba nggu Uonisimu, unga aka awe unying ru umbi. Uonisimu ungwẽmen nu uner idzidzerhe nu umum ibemum unga. Umbõ awuri ideyiwambõ umbi uben ubinkpi uku ikorhe ng-gimi.

<sup>10</sup> Unerwi umbõ aki iyisa Uaristaku awu nggu umum nggimi ru ugbor uzĩ. Unga aghwe umbi. Rimi hã Umarku uwuruwi aka awe ungwẽ iyambõ Ubarnaba aghwe umbi. Umum ideyiwamum umbi arherhe ri itsi Umarku, unga aba abanga, umbi ayei unga nggu aboka avaa.

<sup>11</sup> Uyasuwa, uwuruwi umbɔ aki iyisa Ujustu, ikei aghwe umbi. Aner abɛɛ ikitatambɔ ukpekũ ra abi Uyahuda aka atɔ itser iyi Iyɛrhe-Num nggu umum. Umbɔ aka afituwambɔ umum akarhãrhã.

<sup>12</sup> Uabafara aghwe umbi. Unga awu unying ru umbi na awu ugãrhã Uyesu Ukiristo. Uben ivang unga adẽẽ ifɛna umbi Unum nggu amɛnnga kishoo. Unga ashõrhũ Unum ama atsu umbi adẽẽ aker ri ikorhe ubinkpi Unum aka abee, aka aker ru Ukiristo na awe ru undzumu ikeramɛn.

<sup>13</sup> Umum idɛyiwa umbi ugɛ unga atɔ itser akarhãrhã iyimbi nu iyi abirabɛ aka awe ru Urhawudikiya nu abi Uhirhaforhi.

<sup>14</sup> Uze uwerhamɛn Irhuka, uner agɔu, nu Udimã, aghwe umbi.

<sup>15</sup> Àka akũ ighwemum azĩ ra angwẽmɛn nu anapumɛn ru Urhawudikiya, nu ru Unimfa nggu anera abika adɔsa aki ikɔng ri iyanga.

<sup>16</sup> Umbi aba avarhu ubvur uwurɛ amaambi, àka akũ azĩ avarhuwe ru abika adɔsu Uyesu ru Urhawudikiya. Na ayɛi ubvur uwu ha umum iki itsɛnge abi Urhawudikiya na avarha umgbɔ ikɛi.

<sup>17</sup> Àka adɛyiwe Uarkibu ugɛ, <<Uteijee aka adzaanga ungo itser iyiki itɔ. Niba ukpẽɔ ititɔ.>>

<sup>18</sup> Umum Uburhu, itsɛng ighwe iyɛɛ ru ubokumum. Àka ayita afɛna Unum ru umum ru ugborzĩ. Imimuta ima iwe nggu umbi.

**Ibibemuwe-Num Iyiki Ifa Ru Dũya  
Duya: Ibibemuwe-Num Iyiki Ifa Ru Dũya (New  
Testament)**

copyright © 2024 Wycliffe Bible Translators, Inc.

Language: (Duya)

Translation by: Dũya Development Association

Contributor: SIL Nigeria

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-08

---

PDF generated using Haiola and XeLaTeX on 8 May 2025 from source files dated 8 May 2025

3ccd0531-8578-54e4-a023-62d4592e4b27